

Abogado a alega cu no tin prueba cu e rumannan a tira riba auto di Zuriel Celaire

Charla na cede di MEP ta resalta historia di e lucha pa Status Aparte



ORANJESTAD (AAN): Parlamentario di MEP, Xiomara Maduro, a presenta un charla riba e historia y significado di Status Aparte na Cede di Movimiento Electoral di Pueblo (MEP), den marco di conmemoracion di e celebracion di 40 aña di Status Aparte. Durante su presentacion, Maduro a guia e audiencia pa medio di e diferente momentonan clave cu a marca caminda di Aruba pa logra su Status Aparte.

Fundacion Lanta Papiamento cu exitoso lansamento di e buki 'Ata Compa Nanzi atrobe!' na Biblioteca Nacional Aruba

ORANJESTAD (AAN): Fundacion Lanta Papiamento (FLP) ta expresa su gran satisfaccion cu e exitoso anochi di lansamento di e buki 'Ata Compa Nanzi atrobe!', cu a tuma luga recientemente na Biblioteca Nacional Aruba. E evento a reuni un publico entusiasta cu a disfruta plenamente di tur presentacion y detaye relaciona cu e buki, cu ta presenta e storianan di Compa Nanzi den un version nobo, fresco y innovativo.



Minister Geoffrey Wever

Ley di proteccion di consumidor a drenta na vigor

**Aruba Fair Trade Authority lo supervisa y aplica e ley*

Feria Patriotico 2026:

Un celebracion mahestuoso cu a kibra tur expectativa



ORANJESTAD (AAN): Carnival Village, San Nicolas a bira e epicentro di cultura, orguyo nacional y celebracion durante Feria Patriotico 2026. E evento a resulta un berdadero exito, kibra tur expectativa cu publico di tur parti di Aruba cu a sali pa disfruta y celebra hunto.

Durante ultimo anochi, cu presencia di Minister Wendrick Cicilia, como tambe Minister Mervin Wyatt-Ras, e publico presente por a sinti e berdadero spiritu di "Aruba Dushi Tera."

Preparando pa celebracion nacional

Trabaoonan di mantencion na Monumento 18 di Maart



ORANJESTAD (AAN): Gobierno di Aruba, bou liderazgo di Prome Minister Mike Eman, ta realisando trabounan di mantencion na Monumento 18 di Maart, un lugar historico cu ta simbolisa e peticion di 2.147 Arubiano cu na 1947 a firma pa expresa nan deseo pa autodeterminacion di Aruba.

E proyecto a tuma lugar den colaboracion cu Design Academy of Aruba, lidera pa Loucette Repenhagen, caminda studentenan ta participa activamente den limpieza y restauracion di e monumento, incluyendo e limpieza y verf di cada letra y number di e grabacion historico.

Segun Prome Minister Mike Eman, e monumento ta representa e esfuerso y compromiso di e hendenan cu a duna forza na e movimiento pa autonomia di Aruba. El a enfatisa cu e historia di e peticion, presenta pa prome biaha na Conferencia di Mesa Rondo na Den Haag dia 18 di maart 1948, tabata un paso historico caminda e derecho di Aruba pa busca su propio status constitucional a wordo reconoce en

principio.

E monumento no solamente ta honra e lidernan di e lucha, pero tambe e 2.147 ciudadano cu a firma e peticion. Cada un di e nombrenan graba riba e monumento ta representa un historia di participacion, compromiso y amor pa Aruba.

Un detaye special durante e restauracion ta e candela simbolico di e monumento, cu anteriormente tabata paga pero awor ta cendi atrobe pa representa luz, speranza y continuidad di e lucha pa autonomia di Aruba. Segun Edwin Croes, miembro di fundacion encargada cu e monumento, e participacion di comunidad y preservacion di historia ta fundamental. El a enfatisa cu e proyecto di mantencion ta un manera importante pa preserva memoria historico, honra e firmantenan original y inspira generacionnan futuro pa recorda e lucha cu a conduci na autonomia di Aruba.

Plaza 18 di Maart – Historia den corto
Plaza 18 di Maart, situa den centro di Oranjestad, ta dedica na Dia di Himno y Bandera di Aruba, celebra cada aña dia 18

di maart.

E fecha aki recorda diferente momento historico importante pa Aruba:

1948 – Durante e Conferencia di Mesa Rondo na Den Haag, e derecho di Aruba pa busca un status aparte dentro di Reino Hulandes.

1976 – Aruba a adopta oficialmente su himno

nacional “Aruba Dushi Tera” y su bandera nacional. E celebracionnan oficial di Dia di Himno y Bandera, cu e aña aki tambe ta marca 40 aña di Status Aparte y 50 aña di Himno y Bandera, lo cuminsa cu un ceremonia protocolario dia 16 di maart pa 5:30 di atardi na e monumento. Durante e

ocasion, famianan lo tin oportunidad pa bishita e plaza y localisa e number di nan antepasadonan cu a forma parti di e peticion historico.

Plaza 18 di Maart ta keda un lugar simbolico den Oranjestad, caminda cada aña e pueblo di Aruba ta celebra su orguyo nacional, identidad y historia.

ONE DAY DEAL! MARCH 18 ONLY

**BUY 2 MEDIUM
1 TOPPING
PIZZAS
FOR 18.00
AWG
EACH**

Excluding Delivery Charge

STA CRUZ
585 0333

PALM BEACH
586 0333

PARADERA
582 0333

SAVANETA
584 0444

BOULEVARD
583 0333

ORDER AT
DOMINOSARUBA.COM

Download on the App Store
GET IT ON Google Play

Axcel Figaroa, Lider di TOPA, tocante edificio di KIA:

Awe sindicato lo haya un presentacion di Minister tocante posibel solucionnan

ORANJESTAD (AAN)--Axcel Figaroa, Presidente di Sindicato TOPA, a sigui splica, den su entrevista cu Matutino DIARIO relaciona cu e Instituto Coreccional KIA, tocante e reunion cu TOPA y otro sindicato- nan tabatin cu Minister di Husticia Arthur Dowers, den cual nan a toca e cu- ater puntonan cu tabata tin pendiente.

Segun Figaroa, nan a papia tocante busca personal nobo y e mandatario a spli- ca cu ey nan nan ta hacien- do un estudio riba dje con pa bay aumenta e personal cu ta traha directamente cu e prizoneronan.

“Nos a palabra cu den tres siman nos lo sinta bek y ey nan nos lo scucha na unda el a busca solucion, pasobra tabatin diferente

opcion, cu nan ta sonde- ando pero mi no ta bay den detaye cu esey, pa- sobra ainda mester wak con pa yega na dje. Pero si ta haciendo esfuerzo pa bin mas personal”, e lider sindical a reitera.

Figaroa a agrega cu nan a papia tocante mas punto, entre otro e edificio, y esey nan ta bezig cu ne. “Esey nos ta warda kico ta e de- saroyo riba dje. Awe, lo bay tin un presentacion na unda cu nos ta bay haya mas informacion tocante e edificio”, e lider sindi- cal a informa, siman pasa, den entrevista cu Matutino DIARIO. Pa loke ta trata e structura nobo di salario, a bin diferente punto, y segun Figaroa, e por com- pronde pakico tin bruha- mento, pasobra atravez di



añanan diferente director a bin na KIA.

“KIA no conoce un direc- tor stabil pa un tempo- rada largo. Anto, cada un cu bin tin otro ideanan cu cambionan, etc., anto hopi di e cambionan ey a trece bruhamiento tambe, den e structura di e Institucion. Aworaki, nan ta analizan- do hunto cu e structura di

henter e aparato guberna- mental pa bin cu un struc- tura cu lo keda vast”, Figa- roa a señala.

E ta completamente di ac- uerdo cu esaki, pero pa bin berdad cu un structura fiho cu no ta bin cambio cada bez riba dje.

“E cambionan ta loke ta trece e problemanan cu nos

ta enfrentando aworaki. Riba dje, e structura di sal- arionan nan ta bezig cune pa full e aparato guberna- mental, y parce cu Minis- ter di Husticia ta e prome cu nan lo bay repasa. Esey ta duna nos toch e chens cu pronto lo tin un cam- bio. Naturalmente, mi no sa si e cambio ta pa miho; esey ta otro asunto. Mi tin cu bisa cu nos a papia cu e minister y a discuti varios aspecto, y ta musta cu ta bay tin boluntad, pasobra e interes ta cu nos ta bay reuni aki tres siman, sinta bek pa papia, anto ey nan nos lo haya mas informa- cion vooral pa loke ta trata mas personal pa e Insti- tuto KIA”, Axcel Figaroa, Presidente di Sindicato TOPA a conclui.

Abogadonan den Corte

No tin prueba cu e rumannan a tira riba auto di Zuriel Cellaire



AD (AAN): Abogadonan mr. Arends Marchena y mr. Kuster ta haya cu no tin prueba cu e rumannan J.L. y D.L. a tira riba e auto cu Zuriel Cellaire tabata core. E abogadonan ta haya e 6 aña di prison existi pa Fis- cal, no ta na su lugar. Nan ta haya cu mester declara J.L. y D.L. liber.

ABOGADONAN TA CUESTIONA ZURIEL CELLAIRE

Diabierna tratamento di

e caso penal contra e rumannan J.L. y D.L. a tuma lugar. Fiscal a bisa cu e ta haya J.L. y D.L. culpabel di complice di purba mata y complice di posesion di arma. Fiscal a existi 6 aña di prison pa J.L. y D.L. E abogado mr. Arends Marchena a bisa Hues cu no por papia di intento di asesinato y tampoco inten- to di mata contra su cliente J.L. E abogado ta haya cu no tin prueba cu J.L. ta envolvi den e tiramento.

Na opinion di mr. Arends Marchena, no tin ningun indicacion cu J.L. lo a tira. E abogado ta haya cu e bala cu a haya den asiento di e auto y e huls di bala no tin relacion cu J.L.

E abogado a muestra cu Cellaire tin problema y riba e dia ey hasta e taba- ta arma. Cellaire lo a bisa Polis cu den pasado, el a tira riba un grupo den San Nicolas y cu J.L. lo ta for- ma parti di e grupo aki. E abogado ta haya cu esaki no tin nada di haci cu e tiramento riba Cellaire. E abogado a muestra cu na April 2025, Cellaire a mal- trata y pone arma na cabez di D.L.

El a sigui bisa cu den e mensahenan cu Cellaire a manda ta muestra cu e mes ta bay regla asunto riba caya. E abogado a bisa Hues cu no tin ningun fin-

gerprint cu ta muestra cu J.L. lo por a tira. E aboga- do ta haya cu e investiga- cion no ta completo. Mr. Arends Marchena ta haya iresponsabel cu Fiscal ta existi 6 aña di prizon pa J.L. sin cu tin indicacion concreto.

Abogado mr. Kuster a bisa Hues cu aki ta trata di un “drive by shooting” ca- minda tanto Zuriel Cellaire como e sospechosonan ta conoci di Polis. E abogado a cuestiona imagennan di video cu Polis ta usa como prueba. Na opinion di e abogado, e imagennan no ta duna imagen cla cu ta e mesun auto lo tabata core tur e ruta tras di e auto di Cellaire. E abogado ta haya cu e raport di Recherche no ta cuadra cu loke e im- agennan ta muestra.

E abogado a cuestiona tambe cu e video di segu-

ridad cu ta muestra riba e cas unda J.L. y D.L. a bay, solamente algun parti a usa como prueba y no tur e imagennan. El a muestra tambe cu tin diferencia di hopi minuut den e imagen- nan cu no ta duna un bista cla kico tur a sosode na e cas di e rumannan L.

E abogado a conclui cu no tin prueba cu D.L. lo ta en- volvi den e drive by shoot- ing. E abogado ta haya cu mester declara D.L. liber. Na final di tratamiento di e caso, J.L. a remarca na Hues cu e no a tende nada di e menazanan cu Zuriel Cellaire a haci contra dje y su famia. D.L., na su tur- no, a bisa Hues cu e tambe a haya menazanan.

Hues a sera tratamiento di e caso y a bisa cu e ta bay studia e caso. Dia 2 April 2026 e lo tuma un deci- sion.

Minister Geoffrey Wever riba Dia Internacional di Consumidor

Ley di proteccion di consumidor a drenta na vigor

ORANJESTAD (AAN): Minister di Finansa, Asunto Economico y Sector Primario, mr. Geoffrey Wever ta anuncia cu riba Dia Internacional di Consumidor 15 di maart 2026 e “Landsverordening bestuursrechtelijke handhaving consumentenbescherming” lo drenta na vigor. E ley aki lo fortifica di manera significativo e proteccion di consumidor y ta duna Aruba Fair Trade Authority (AFTA) un rol importante den supervision y aplicacion di e ley pa proteha derechonan di consumidor.

Proteccion di consumidor ta un pilar importante di e maneho economico di Gabinete AVP-FUTURO. Manera palabra den Programa di Gobernacion 2025-2028 riba pagina 34 “lo introduci e ley di proteccion di consumidor

pa proteha e consumidor y crea un mercado mas transparente y husto. Lo presenta e ley aki na Parlamento y implementa door di Aruba Fair Trade Authority”. Despues cu Parlamento a trata y aproba e ley riba 18 di juni 2025, via un decreto nacional di 27 di februari 2026, e ley di proteccion di consumidor lo drenta na vigor riba 15 di maart 2026, riba Dia Internacional di Consumidor.

E ley ta introduci un sistema di instrumentonan legal cu ta haci posibel pa actua mas lihe y mas efectivo contra abuso y violacion di derechonan di consumidor. AFTA lo haya e autoridad pa investiga violacionnan di derechonan di consumidor y si ta necesario tuma pasonan legal concreto contra companianan cu no ta cumpli cu e ley. Segun e ley,

AFTA por entre otro duna instruccionnan na companianan pa coregi nan manera di haci negoshi, impone sancion y boet. Tambe AFTA por emiti advertencianan publico pa alerta consumidornan riba practicanan comercial cu ta contra e ley aki.

Durante 2025 gobierno den cooperacion estrecho cu AFTA a eherce e trabaonan preparativo necesario pa garantiza ehecucion di e tarea nobo aki di AFTA riba proteccion colectivo di consumidornan manera e ley ta exige. Awor cu e ley lo drenta na vigor, un prome paso ta cu AFTA lo cuminsa cu entre otro informacion general pa publico y un investigacion di mercado. Den e prome fase, e informacion lo tuma luga via e website di AFTA y otro canalnan di informa-



Durante control

Polis di Oranjestad a duna un total di 38 boet

ORANJESTAD (AAN): Diabierna atardi polis di Oranjestad a tene un control di trafico na diferente puntonan strategico den Oranjestad. Durante e control personal di DTP tambe tabata presente.

Polis a controla basta vehiculo di motor y na unda a reparti un total di 38 boet. E boetnan tabata pa entre otro belasting, keur, rijbewijs, luz di number di auto y luz di auto.

DTP a control diferente vehiculo di motor entre otro TX, O, T etc cu ta cay bao di transporte publico. Na total DTP a reparti 22 rapport.

Cuerpo Policial ta keda recorda cu controlnan lo keda tuma lugar y percura bo tin bo documentonan cu bo y valido.

Cuerpo Policial ta urgi chauffeurnan pa baha velocidad y bo ta bebe no stuur. Percura pa tin bo amigo responsabel.

Un trafico sigur ta responsabilidad di nos tur.



cion publico y despues via e ConsuLoket. E ConsuLoket ta un portal digital unda consumidornan lo por entrega keho. Implementacion di e ConsuLoket lo sosode mas despues den 2026.

Minister Geoffrey Wever ta indica cu e ley lo contribui na un mercado mas husto y transparente y ta proteha consumidornan ora cumpra den un negoshi of online. Tambe e consumidornan lo wordo protehi entre contra mercadeo falso, condicionnan di contract no rasonabel y contra e practica di manda productonan sin cu e consumidor a pidi esaki. E consumidor ta un partido impor-

tante den economia. Pesey ta introduci e ley aki pa fortalisa e posicion y proteha derechonan di tur consumidornan den economia. Reglanan transparente y supervision efectivo tambe ta contribui na un “level playing field” pa negoshinan segun minister Geoffrey Wever.

Minister Geoffrey Wever ta gradici Gabinete AVP- FUTURO, AFTA y DEZHI cu a haci posibel pa e Ley pa proteccion di consumidor bira un realidad. Cu esaki, riba Dia Internacional di Consumidor 15 di maart 2026 Aruba ta dal un paso concreto den proteccion di derechonan di tur consumidor.

MAESTRO BENJAMIN

MAESTRO BENJAMIN, UN MAESTRO CU DI BERDAD TA PARA SUFRIMENTO.

Bishit'e abo mes! Maestro Benjamin ta sigui y caba cu e trabao cu otro a cuminsa na otro lugar.

- E ta kita bruheria, hechizos, daños y tambe e ta dera maldicion y salamientos.

- E ta cura y sana tur tipo di enfermedad manera artrosis, alzheimer, demencia, depression, diabetico, hipotiroidismo, osteoporosis, parkinson, insomnia y hopi malesa mas.

Abo mi amigo stima, cu ta sufriendo di bo prostaat of impotencia sexual, Maestro Benjamin tin e tratamiento pabo cu lo curabo den un tempo cortico.

“Mi ta cura problema di addiction di droga y alcohol y mi ta recupera bo ser keru sin importa tempo of e distancia.”

No sufri mas den silencio pa tur problema tin un solucion y pa tur enfermedad tin un sanacion. Trabao ta 100% garantiza y den un poco tempo.

Yama awe mes of manda un WhatsApp na 641-4186 pa traha bo afspraak.

CEL/ 641-4186

Celebracion **HIMNO Y BANDERA**

18 MAART 2026

EVENTO RIBA

PARKING LOT

SUPER DO IT CENTER SHABA

ENTRETENIMIENTO

- Dazzling Dancers • Guccie Dancers • Caha di Orgel Olga (Arthur Kelly) • Diferente Artista
- Weganan Popular • Kids Corner by Play Learn and Grow • Aruba Muscle and Classic Cars Show
- Robert Maduro y Azucar

CUMINDA Y BEBIDA

- Benta di Cuminda Crioyo di Maga's • Benta di BBQ di Baby Back Grill • Bar • Premio • Tasting

10AM - 12PM / BUKI R.A.T.S DISPONIBEL CU FIRMA


door di autoir Sra. Claudia Daher Ponson

10AM - 6PM

Evento ta cuminsa 12PM

**SUPER
Do it Center®**

Chauffeur bao influencia a bolter su auto na Bubali



ORANJESTAD (AAN): Dia-domingo marduga, Central a despacha patruyanan pa atende un accident cu a tuma lugar riba e caminda di Bubali cu ta bay den direccion di Stadion Frans Figaroa.

Na momento cu polis a yega riba lugar, nan a bin topa cu un Toyota Yaris cu a keda hopi kibra riba caminda. Por a mira tambe cu e dak di e auto tabata 'placha', loke ta indica cu e vehiculo a bolter prome cu esaki a termina bek riba su cuatro wielnan.

Segun algun habitante den e vecindario, nan a scucha un zonido duro y ora nan a sali pa wak kico tabata pasando, nan a mira cu e Yaris a dal contra un cura di transhi, kibrando un parti di esaki.

E chauffeur di e Yaris tabata un persona hoben masculino. Segun polis, e tabata bou di influencia. Polis a detene pa core auto bou di influencia y pa causa e accidente.



Un yamada pa DOW pa atende cu e buraco riba acera na Hendrikstraat

ORANJESTAD (AAN) -- Un bon idea pa Gobierno, cu ta bin di diferente ciudadano cu, dia aden dia afo, tin cu cana riba e camindanan publico na Oranjestad, ta por fabor tira un bista riba e aceran cu tin hopi cu cantidad di buraco di tehelnan cu ta kibra, y ta trece peligro cu ne pa tur esnan (local y turista) cu ta cana riba trotoir.

E potret hunto cu e nota aki, ta papia di Hendrikstraat net dilanti di un "dry-cleaning" banda di Morochos Supermarket.

Un acera hopi transita y diadomingo despues di Misa di 9'or varios turista cu a sali for di misa a pasa riba e acera aki y un ciudadano a para alerta tur peaton, pa paga tino cu e acera kibra eyan. Enberdad un situacion basta peligroso, cu DIA-RIO por a capta cu su camera, pa haci un yamada na DOW pa por fabor, drecha esaki. Net aki banda varios mucha di scol ta cana tur dia, ora nan ta bayendo scol y ora nan ta sali tambe.



De minister van Financiën en Cultuur, belast met de leiding van het ministerie van Financiën, Economische Zaken en Primaire Sector is voornemens in het openbaar aan te besteden, het project:

"Reconstructie steiger te Rodger's Beach"
Volgens bestek D.O.W. nr. 04 d.j. 2026

Korte omschrijving van het werk:

- Ontmantelen van het vis schoonmaak tafel,
- Slopen van alle houten delen van de steiger,
- Slopen alle bestaande staalwerk inclusief verbindingen,
- Plaatsen van PVC omhulsel om de bestaande pijlers,
- Instorten beton in PVC omhulsel,
- Aanleg houten onderslagbalken en loopplanken,
- Aanleg diverse bout verbindingen en verankeringen,
- Aanleg bootbindhaken,

Uitvoeringstermijn: **75 werkbare werkdagen** na datum van aanvang exclusief bestelling tijd.

Het bestek is vanaf **16 maart 2026** verkrijgbaar bij D.O.W. tegen betaling van **Afl. 350,00**.

De betaling te voldoen bij de kassier van de Dienst Openbare Werken (DOW). De Openbare bescheiden liggen ter inzage vanaf **16 maart 2026** te DOW bij het Secretariaat van de Directie.

Inlichtingen worden verstrekt op **15 april 2026** om 9.00 vm te DOW.

De Nota van Inlichtingen wordt vastgesteld op **20 april 2026**.

De Inschrijving en Openbare aanbesteding vindt plaats op **29 april 2026** om 11.00 vm op het kantoor van de Directeur van de Dienst van Openbare Werken.

Op de openbare aanbesteding zijn de Aanbestedingsverordering, het Aanbestedingsbesluit en UAV-DOW (editie 2008) van toepassing.

De inschrijver moet bij zijn inschrijving de volgende vereisten overleggen:

1. Bewijs van inschrijving in het register van de Kamer van Koophandel van Aruba. (niet ouder dan 6 maanden).
2. Bereidheidsverklaring tot het instellen van een bankgarantie of borg.
3. De staat van eenheidspreisen voor verrekening van meer- en minderwerken.
4. Een lijst van in te schakelen onderaannemers.
5. Overige vereisten opgenomen in het bestek.

Inschrijving dient te geschieden op het bij het bestek gevoegde en gewaarmerkte inschrijvingsformulier.

Ta tuma aplicacion pa candidatonan :

Bussers | Cashiers | Waiters

Minimo EPB Servicio

Cu dominio di Papiamento, Hulandes, Ingles y Spaño.
conocemento basico di computer, POS System.

Dispuesto pa traha diferente warda y dianan di fiesta.

Pa solicita por yama 582-5959 pa un cita entre 8:00am- 12:00 pm
Por pasa personalmente na Emmastraat 11 despues di 11:00 am
Tambe por manda bo C.V. na marcia@kowloonaruba.com

EMMASTRAAT # 11
ORANJESTAD, ARUBA
582-5959
during office hours.
WWW.KOWLOONARUBA.COM



Director di FEPA, señor Marlon Vrolijk:

FEPA ta trahando riba e posibilidad pa ofrece cursonan di AI

ORANJESTAD (AAN): Inteligencia Artificial (AI) ta drenta hopi lihe den nos bida den e ultimo añanan, transformando e manera cu mundo ta traha, comunica y tuma decision. Na tur parti di mundo e tecnologia aki ta bira cada biah mas comun. Aruba no ta keda atras, ya cu AI ta cuminsa tin un influencia creciente den negoshi, gobierno y bida diario.

Director di Fepa, señor Marlon Vrolijk, den un entrevista recien cu DIARIO, a remarca cu AI ya a drenta den varios sector di nos comunidad. Segun e, ta importante pa anali-

sa cua trabou lo keda existi y cua lo cambia, pasobra hopi hende ya ta haci uzo di AI pa facilita cierto tarea. El a indica cu algun trabou lo por desaparece, mientras cu otro lo sigui existi, pero cu ta absolutamente necesario pa hende desaroya habilidadnan nobo pa por sigui traha hunto cu AI. Aunque cu algun trabou administrativo lo wordo parcialmente reemplasa pa AI, semper lo mester tin hende capacita pa supervisa y controla e sistemanan.

Un ehempel di un cambio tecnologico grandi ta e introduccion di computer. Den pasa-



do, hopi hende tabata traha comfortabel cu typewriter. Ora computer a wordo introduci, hopi persona a sinti inseguridad, pasobra nan no tabata familiar cu e tecnolo-

gia nobo. Sinembargo, door di curso y entrenamiento, hopi persona a logra siña habilidadnan nobo pa adapta y sigui desaroya den e sistema digital. Mescos manera, den varios sector awe, mashin y robot ta tuma luga di cierto trabou fisico. Pero pa esaki tambe, hende mester prepara nan mes cu conocimiento y habilidad pa guia y controla e tecnologia.

Como instituto di enseñansa, Fepa ta nota un demanda creciente pa cursonan enfoca

riba AI. Fundacion Fepa a plania pa introduci e cursonan di AI internamente prome, cu e meta di prepara nan propio personal. Despues di esaki, nan ta mira e posibilidad pa ofrece e cursonan tambe na comunidad. Segun señor Vrolijk, esaki ta un paso importante pa sigui avansa sin keda pega completamente den e manera tradicional di traha. AI, segun el a expresa, tin potencial pa beneficia tanto Fepa como henter Aruba.

Consumidornan contento cu minister a bin cu ley pa proteha prijs di canasta basico

**Ohalá prijs di aros bolbe baha "si of si!"*



ORANJESTAD (AA)-- Berdad ta un bon noticia Minister di Economia, Finanzas y Sector Primario a trece dilanti den prensa y sigur, lectornan di DIARIO a pone bon atencion na dje.

Esey ta algo cu e consumidornan a tuma hopi na serio y ta spera cu e comerciantenan concierne cumpli cu ne, y si no cu enberdad lo haya sancion.

Esaki ta e hecho cu awo tin un ley pa proteha e consumidor di hisamento di prijs sin mas, riba e productonan di e macuto basico.

Na e momentonan aki varios consumidor ta keha di e prijs halto, cu tin riba aros. Aroz ta, practicamente esencial den e dieta di nos comunidad, un di e alimentonan cu den e gran mayoria di hogar, no por falta riba mesa. Pero poco dia atras hopi consumidor no por a kere e prijs cu nan a mira riba mayoria marca di aros, den paki di dos liber, cinco

liber, y ni papia mes di e pakinan grandi, esun di diez liber pa casi 50 florin. Ta hende cu a drenta un supermarket sin compra aros y a pasa wak na alomenos cuater mas, y den tur e prijs (mescos cu esun di koffie) tabata hopi mas caro cu un siman prome. Hasta a ripara cu tabata tin prijs riba prijs, locual no ta husto ni etico. Danki Dios cu sigur nan lo tin di baha prijs aworaki, pasobra e ley ta na vigor, y mester cumpli cu ne of haya boet! Lastima cu pa cantidad di producto cu no ta parti di e canasta basico, gobierno no por haci nada, pasobra nan ta den e contexto di mercado liber, pero nan ta forma parti di e alimentacion esencial di pueblo, entre otro carni, cu ta casi impagabel. En todo caso, nos comunidad consumidor ta aprecia e medida aki di Minister Wever, y ta spera cu e prijs di aros lo bolbe na normalidad den tur supermarket, sin excepcion.

LUNA DI LOCURA!

CUMpra 2 LOTTO 5 Y HAYAr 1 LOTTO 5 LOCO GRATIS

CON PA HUNGA?

CU CADA COMPRA DI 2 LOTTO 5 RIBA E MESUN TICKET TA RICIBI 1 LOTTO 5 LOCO COMPLETAMENTE **GRATIS**. MAS BO CUMpra, MAS TICKET LOCO **GRATIS** BO LO RICIBI!

PROMOCION TA VALIDO DESDE 1 DI MAART TE CU 31 DI MAART

www.lottoaruba.com

Facebook, Twitter, YouTube, Instagram icons.

LOTTO 5 Cambiando bida.

Delegacion di University of Pennsylvania a comparti idea y reflexion pa prepara pa e reto ambiental di futuro



ORANJESTAD (AAN): Den marco di e Programa Nacional di Reforestacion y Urban Greening, Aruba ta ricibi un delegacion academico di University of Pennsylvania — Weitzman School of Design, lidera pa Prof. Mathijs Bouw, profesor di landscape architecture y architecture. E grupo, compone di 16 estudiante di nivel master den area manera arquitectura, landscape architecture, historic preservation y city planning, a bishita Aruba entre 9 y 12 di maart pa colabora riba idea innovador pa desaroyo urbano sostenibel.

E bishita, facilita via e Minister Plenipotenciario di Aruba na Washington y ta enfoca riba con urban greening y naturalesa-basa riba solucion, por ta uza como instrumento di diseño pa enfrenta reto urbano moderno, manera calor urbano, inundacion y creacion di espacio publico cu ta stimula cohesion social.

Durante e encuentro cu Prome Minister Mike Eman, e delegacion a comparti idea y reflexion riba con Aruba por prepara su ciudadnan pa reto ambiental di futuro. Segun Prome Minister Eman, e colaboracion ta conecta cu e vision di Aruba pa integra desaroyo urbano cu naturalesa. “Ora nos ta desaroya Aruba, nos kier haci esaki den harmonia cu naturalesa. *Building with Nature* ta significa cu nos ta construi respetando naturalesa, protehendo esaki y integrando mas berde, sombra y maneho inteligente di awa den nos ciudadnan y barionan,” Prome Minister Eman a expresa.

Prof. Mathijs Bouw a splica cu e proyecto cu e estudian-



tenan ta desaroya na Aruba ta parti di un curso na University of Pennsylvania y ta enfoca riba con ciudadnan por enfrenta riesgo ambiental den futuro.

“Nos curso ta yama *Design with Risk*. Nos ta studia con ciudadnan por prepara pa reto cu ta bini, manera cambio climatico y calor urbano. Small island states manera Aruba ta particularmente vulnerable pa stress ambiental, pero mes ora nan tin gran potencial pa desaroya solucion creativo,” Bouw a explica.

Segun Bouw, desaroyo urbano sostenibel tambe ta importante pa turismo moderno, pasobra bishitante awor ta busca experiencia autentico den ciudadnan cu tin espacio publico atractivo y conexion cu naturalesa.

Di banda di e studiantenan, Caroline Griffith, estudiante di *historic preservation*, a expresa entusiasmo pa e oportunidad di contribui na e proyecto.

“Nos tabata hopi impresiona cu e vision di Prome Minister Eman tocante reforestacion y urban re-greening. Nos ta privilegia pa por ta na Aruba y mira con nos como diseñadornan por contribui pa yuda Aruba fortalece su resiliencia contra reto climatico,” Grif-

fith a comenta.

Tambe Shawn Rambach, estudiante den *Master of City Planning*, a resalta cu e vision pa integra naturalesa, comunidad y desaroyo urbano ta esencial pa prepara Aruba pa reto di futuro.

“E vision di Prome Minister ta mustra un preocupacion profundo pa pueblo di Aruba y pa con comunidadnan por prepara pa reto compleho di cambio climatico. Aruba tin oportunidad pa bira un ehempel pa otro isla den Caribe den con enfrenta e desafio aki,” Rambach a indica.

Durante e estadia na Aruba, e studiantenan ta traha riba reflexion y recomendacionnan tocante criterionan pa un politica urbano berde innovador, y tambe propuesta concreto pa intervencion urbano cu ta conecta resiliencia climatico, calidad di espacio publico y uzo social di ciudad.

Como resultado final di e proyecto, e grupo lo prepara un buki digital cu idea espacial, diseño urbano y recomendacion di politica adapta specificamente pa Aruba. E documento lo por wordo comparti cu diferente ministerio y instancia relevante pa contribui na desaroyo di ciudadnan mas berde, resiliente y sostenibel.





We are the largest retailer in the region, offering many opportunities for growth and development and we are looking for a talented and dedicated individual to become part of our dynamic team.

Head of Country Operations

The Head of Country Operations – Aruba is the second-in-command to the Managing Director and serves as the operational leader for the Aruba business unit. The incumbent is responsible for leading and optimizing the execution of the country's commercial and operational agenda, with direct oversight of Retail Sales, Logistics & Technical Services, and core Financial & Business Management processes. The role carries responsibility for delivering agreed P&L targets for Aruba through disciplined execution, retail sales optimization, increased consumer finance penetration, operational efficiency, and strong governance practices. The Head of Country Operations will ensure that the Aruba operation is aligned to Group and Regional strategic priorities while building a high-performance, customer-centric culture that delivers sustainable growth and profitability.

PRINCIPAL ACCOUNTABILITIES:

FINANCIAL AND BUSINESS MANAGEMENT

- Support the Managing Director in the execution of the country's annual business plan and budget, ensuring alignment with Group strategic objectives.
- Drive delivery of agreed Revenue, Margin, EBIT and Consumer Finance targets for Aruba through strong commercial discipline and operational excellence.

RETAIL SALES OPTIMIZATION & CONSUMER FINANCE PENETRATION

- Lead and optimize retail sales performance across all branches in Aruba, ensuring achievement of sales budgets and productivity targets.
- Drive increased penetration of consumer finance products across retail channels, ensuring alignment between sales, credit and collections disciplines.

LOGISTICS & TECHNICAL SERVICES MANAGEMENT

- Oversee warehouse, distribution, and last-mile delivery operations to ensure service standards, efficiency targets, and inventory controls are achieved.
- Ensure stock management processes, stocktaking activities, and loss prevention controls are executed in accordance with company policy and within acceptable shrinkage ratios.

LEADERSHIP & PEOPLE MANAGEMENT

- Provide strong day-to-day leadership to Departmental Heads and operational managers within Aruba.
- Foster a high-performance culture focused on accountability, collaboration, customer centricity, and results.

EXPERIENCE & QUALIFICATIONS:

- Bachelor's Degree in Business Administration, Management, Finance or a related discipline.
- MBA or Master's Degree in Management or Strategic Leadership would be an asset.
- Minimum five (5) years' experience in a senior leadership or general management role with P&L accountability.
- Strong commercial background within retail, consumer finance, distribution or related sectors.
- Demonstrated track record of driving revenue growth and operational efficiency.
- Strong financial acumen and ability to interpret and act on financial and operational data.

SKILLS & COMPETENCIES:

- Results-oriented and commercially driven
- High level of integrity and accountability
- Strong analytical and problem-solving skills
- Resilient, adaptable and decisive
- Strong leadership and people management capability
- Strategic yet operationally hands-on
- Customer-focused mindset
- Ability to operate effectively in a matrix-influenced regional environment

PLEASE SUBMIT APPLICATIONS TO:

regional_hc@unicomer.com by March 20th, 2026

Discubri historia y disfruta di nos cultura celebrado 50 aña di Himno y Bandera na MANA



ORANJESTAD (AAN): Museo Arqueologico Nacional Aruba-MANA, hunto cu Club Kibrahacha y mas colaboradornan ta celebra Dia di Himno y Bandera 2026 cu un programa yen di actividad cultural pa publico entre 10'or di mainta pa 3'or di atardi. Presentacionnan musical y folklorico lo deleita publico, charla di bishitante internacio-

nal y artist-talks lo asombra interesadonan, y famianan lo gosa di tayer creativo y wega. Kathrin Nägele, arkeogenetico di e Instituto Max-Planck pa Antropologia Evolucionario di Leipzig, Alemania, hunto cu arkeologo di MANA Harold Kelly lo duna un lectura tocante nan investigacion riba DNA antiguo di Aruba den Auditorio di MANA pa 11'or

di mainta y 1'or di merdia. Xpo SITE-, SIDE-, Sight WALKS di investigadora y artista cu glas Bernadette van der Klooster, awo habri oficial pa publico, ta encantador. Abase di e gran interes di publico experiencia dia di Betico, Bernadette lo bolbe duna su Artist Talk cada ora entre 10or pa 3or durante celebracion di dia di Himno y Bandera.

Design Academy Aruba, un scol nobo na Aruba, cu ta ofrece estudionan creativo riba nivel di MBO 4, como tambe curso y tayer, ta ofreciendo un tayer breve di ceramica pa grandi y chikito riba nos dia nacional na un prijs simbolico di solamente afl.5,-. Ceramica ta un material cu a hunga un rol importante den historia di Aruba durante siglonan pasa y bishitantenan por admira diferente obheto di klei manera potchi, stempel y figura, den salanan di exposicion. Tambe bishitantenan por disfruta ainda di e exposicion temporario di STICUSA, cortesía di UNOCA, cu ta conta e historia di con arte a desaroya na Aruba durante e periodo entre 1950 y 1987.

A peticion di publico ta ripiti e tayer "Watercolor Fantasy



Trees Landscape" di artista Andreea Cavajdan-Kock. Esnan cu a participa riba Dia di Betico a indica cu no solamente nan a gusta pa siña di e tecnica, pero cu e tabata un actividad hopi relajante. Andreea ta ofrece e tayer aki pa solamente afl.15,- pa persona. Hungador di Bond di Domino Aruba, Aldrick Figaroa, lo organisa weganan di domino unda nos grandinan ta siña nos hobennan tocante e wega aki cu ta forma parti di nos cultura intangible. Si bo tambe ta desea di participa por yama 582-8979 pa registra y ta sin costo adicional.

ARUVA di Lara Kuiperi lo bende su bunita T-shirt "ISLA", specialmente diseña pa Dia di Himno y Bandera. Y mas cu claro tin dushi cuminda crioyo y snacksbox na benta. Arkeologo Raymundo Dijkhoff y otro personal di MANA lo ta presente den salanan di

exposicon pa contesta pregunta di bishitantenan.

Club Kibrahacha cu pa varios aña a colabora cu MANA riba Dia di Himno y Bandera e aña aki atrobe lo trece hopi ambiente cu nan presentacionnan musical. Grupo di cuarta y canto lo habri cu Himno di Aruba, grupo di baile lo deleita y e biaha aki lo tin un extra treat di nan banda Kibrahacha Boyz.

Presentacion di Carly Ann Buera cu a gana di tres premio cu su bunita cancion Oh Dushi Wals den e Festival di Canto pa nos Himno y Bandera 2026 den categoria di 11 pa 12 aña. Cantante local Soraima tambe lo duna un presentacion live di su bunita cantica "Mascarada". Pues no perde! Bin celebra 50 aña di Himno y Bandera y 40 aña di Status Aparte na Museo Arqueologico Nacional Aruba. Entrada ta gratis!

Special

Goleador historico Joy Rosa

Skirbi pa:

Ruthy 'Lady Ruth' Vrieswijk-Bergen

Un tiki di nos dushi hendenan... Un tiki di Aruba...


Joy Rosa su number hamas lubida
Ora papia di futbol RCA cu semper a destaca
Y obida di gol ta riba su number local y internacional claba

Riba veld ta train muchanan cu disciplina y seriedad

Ora nan ta siña scop bala cu tecnica defende nan gol di berdad

Semper cu positivismo cu guia manera di un bon tata cu consehonan bon

Aruba ta gradici y ta orguyoso y bendiciona di nos yiunan di tera cu nan amor pa e deporte rey futbol fisicamente y den alma mente y curason.



Pabien RCA cu boso 92 aña di existencia cumpli 15 di Februari 2026. Pabien na un di nos goleadornan potente y historico **JOY ROSA**.

Joy Rosa tabata trainer di Jean y Lysander hopi aña pasa. Un feliz Dia Nacional!

Ruthy 'Lady Ruth',
Februari/Maart 2026

Adolfo Maduro, Coordinador di Aruba Muscle & Classic Cars: "Pa net 3'or di atardi e Classic Cars lo ta na Super Do It Center, Dia 18 di Maart"



ORANJESTAD (AAN) -- Adolfo Maduro, Coordinador di e Club Aruba Muscle & Classic Cars Show, tambe a hiba palabra den conferencia di prensa, yama pa Super Do It Center, entorno nan gran celebracion di Dia Nacional Himno y Bandera y Status Aparte, Diaranson aki, Dia 18 di Maart.

Manera a bin ta informando esaki lo tuma lugar riba e Parkinglot di Do It Super Center na Shaba, cuminzando pa 12'or tra'imerdia te cu 6'or di atardi.

Señor Maduro a menciona cu e club ta existi pa binti aña caba, y tin alomenos 75 auto, y 130 miembro.

"Nos no por priminti cuanto auto nos ta bin cu ne nunca, pa motibo cu bo no ta haya tur hunto nunca; 18 di Maart ta un dia cu nos ta haya hopi auto, esey ta sigur!" señor Adolfo Maduro

a bisa.

El a splica tambe cu e doñonan di autonan clasico hopi di nan a bira adulto mayor caba, y nan no ta saca e auto mas.

"Por mira bon cla cu varios club a bay atras pa motibo cu nan auto cu nan y nan a bira hende grandi y no ta core auto mas y ningun di nan yiunan ta sigui e tradicion. Si nan yiunan lo a sigui cu esaki nos lo haya hopi auto classic na Aruba. Curacao tin mucho mas. Nos tabata na Curacao ultimamente y nan tin hop bon auto classic y nan kier a bin Aruba pa 18 di Maart, si nan logra e Ferry, y nos tin bon contacto cu nan", señor Maduro a subraya.

E ora exacto pa nan yega ta 3'or, señor Maduro a señala, debi cu nan tin otro actividadnan tambe. E horario aki a keda confirma cu señor Dirks, el a acentua.

Feria Patriotico 2026:

Un celebracion mahestuoso cu a kibra tur expectativa

ORANJESTAD (AAN): Carnival Village, San Nicolas a bira e epicentro di cultura, orguyo nacional y celebracion durante Feria Patriotico 2026. E evento a resulta un berdadero exito, kibra tur expectativa cu publico di tur parti di Aruba cu a sali pa disfruta y celebra hunto.

Durante ultimo anochi, cu presencia di Minister Wendrick Cicilia, como tambe Minister Mervin Wyatt-Ras, e publico presente por a sinti e berdadero spiritu di "Aruba Dushi Tera." Momento special cu a recorda e significado profundo di nos simbolonan nacional, specialmente den un aña historico unda Aruba ta conmemora 50 aña di Himno y Bandera y 40 aña di Status Aparte."

E programa cultural a brinda un variedad di presentacionnan cu a deleita e publico. Entre nan tabatin baile folklorico di Inclusion School y NTC & NLG Dancers, bou guia di Marisol Peña, manera tambe un presentacion musical impresionante di Rufo Wever Music School. Un otro momento memorable tabata e presentacion di Stephanie Quant, ganador absoluto den categoria 13-17 aña di Festival *Un Canto pa Aruba su Himno y Bandera*, cu su composicion "That's Aruba."

E festival cultural a sigui cu un presentacion anima di Grupo Rejoice, cu talentonan hoben di diferente scol di Aruba cu a canta y celebra nos identidad cultural riba ritmo di polka, tumba y wals. E publico tambe a disfruta di e presentacion di Gucci Dancers, cu a yena e escenario cu energia y ritmo, preparando e ambiente pa e gran clausura musical di e anochi.

E evento a culmina cu un presentacion extraordinario di e agrupacion musical D'Nova, cu pa prome biaha a participa den e festival *Un Canto pa Aruba su Himno y Bandera* y mesora a logra e titulo maximo. Hunto cu e cantante Alexa Croes, nan a conquista e publico cu e cancion ganador "Nos ta loke nos tin," un wals componi pa Jhon Freddy Tobon Montoya y aregla pa Denny Loefstop.

Reconocimiento especial pa Grupo Rejoice

Durante e anochi di Feria Pa-



triotico, Minister di Turismo Wendrick Cicilia a entrega un plakaat di reconocimiento na Grupo Rejoice, cu e aña aki ta celebra 15 aña di alabansa, cultura y servicio na Aruba. Grupo Rejoice a cuminsa na Hulanda entre studiantenan Arubiano y, bou liderazgo di su fundadora Zulaika "Suki" Geerman, e grupo a crece bira un presencia importante

den musica di alabansa y den e escena cultural di Aruba. Awe nan ta activo den diferente parokia y eventonan cultural rond di e isla. Den e mundo cultural, nan tambe ta conoci como "Team Blue," participando regularmente na eventonan manera Festival *Un Canto pa Aruba su Himno y Bandera*, caminda nan ta guia y acompaña



hopi talento hoben.

Un aspecto special di Grupo Rejoice ta nan dedicacion na desaroyo di mucha y hoben, creando y interpretando musica cu ta inspira amor pa cultura. Hunto cu Afranina "Afra" Henriquez, e grupo ta mantene un nivel halto di disciplina y calidad musical. Tur e trabou cu Rejoice ta haci, for di ensayo te presentacion, nan ta ofrece completamente gratis como un manera di duna bek na comunidad.

Gratitud y reconocimiento Durante e anochi, tambe a duna reconocimiento special na e sponsornan cu a haci e evento posibel, entre nan Comision Celebracion Dianan Nacional (CCDN), Departamento di Cultura Aruba (DCA) y Aruba Tourism Authority (ATA).

Den nomber di Gobierno di Aruba, a expresa gratitud profundo na tur grupo di baile, scol, mucha, hoben y gruponan cu a contribui na e exito di e anochi. Un danki special tambe a bay na tur e tentnan y participantenan cu a sostene y celebra nos cultura.

Feria Patriotico 2026 a demostra un biaha mas cu Carnival Village ta un lugar unda e comunidad di Aruba ta reuni pa celebra su identidad y cultura den un ambiente di alegria y union.

Comunidad di Aruba ta invita pa sigui celebra durante Manifestacion Cultural dia 17 di maart 2026, aki mes na Carnival Village.

Danki na tur cu a participa y a haci e anochi aki inolvidabel.

SUPER CARD SUPER DEALS



**BEST CINEMA AT
THE BEST PRICES!**

**COMFORT
CLASS**

IMAX

VIP

**Monday
Thursday**

8.00_{AWG}

10.00_{AWG}

11.00_{AWG}

**Friday
Sunday**

9.00_{AWG}

11.00_{AWG}

12.00_{AWG}

Sign up today at any **The Movies** location
and **start enjoying great benefits!**

Riba 18 di maart no tin sorteo

Sorteo di Lotto 5 e siman aki lo hunga riba diahuebs



ORANJESTAD (AAN): En conexion cu celebracion di Himno y Bandera, lo no tin sorteo di Lotto, E Loteria di Aruba y oficinanan di principal na Playa y San Nicolas lo ta sera riba diaranson 18 di maart y consecuentemente a dicidi di pone e sorteo di Lotto 5 riba diahuebs 19 di maart. Ta corda hungadonan pa

cumpra nan Lotto trempan, pa evita cu ta keda for di e sorteo y como tal, keda for di e chens di cambia nan bida cu Lotto, E Loteria di Aruba. Tambe lo por cumpra bo Lotto Online y awo cu mas manera pa recarga bo cuenta sea bo ta pasa na bo rebendado preferi of por recarga usando Pay.aw.

Lotto, E Loteria di Aruba tin diferente wegá, Catochi, Big 4, 1-OFF, Zodiac, Wegá di Number di Korsou di Lotto, Lucky 3, Multi-X, Lotto di Dia, Lotto 5, Mini Mega y cu su Mega Plus y e diferente weganan di Raspa y Gana y Instacash. Tambe lo por hunga Lotto Online door di bishita: play.lottoaruba.com pa por registra. Cumprando Lotto bo ta contribui na deporte riba nos isla.

E meta ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.

Cuatro persona a keda cla cu curso basico di Payroll Pro HRM



ORANJESTAD (AAN): Recientemente, e compania VCC International a suministra un curso basico di e popular software pa atende personal di Recurso Humano na Aruba, esta Payroll Pro HRM.

E damanan aki a logra atende, y finaliza e curso cu exito. Esnan cu a ricibi nan certificado na final ta, Edeline Weller y Annastacya Uchtmann di Gianni's Group, tambe Darenska Mathilda di Aruba Wine and Dine, y Desiree Kelkboom di VCC International.

Nan habilidad riba e software pa atende tur cos, incluyendo payroll awor a bira mas amplio. Pabien na tur cuatro.

Fundacion Lanta Papiamento cu exitoso lansamento di e buki 'Ata Compa Nanzi atrobe!' na Biblioteca Nacional Aruba



ORANJESTAD (AAN): Fundacion Lanta Papiamento (FLP) ta expresa su gran satisfaccion cu e exitoso anochi di lansamento di e buki 'Ata Compa Nanzi atrobe!', cu a tuma luga recientemente na Biblioteca Nacional Aruba. E evento a reuni un publico entusiasta cu a disfruta plenamente di tur presentacion y detaye relaciona cu e buki, cu ta presenta e storianan di Compa Nanzi den un version nobo, fresco y innovativo. E obra literario 'Ata Compa Nanzi atrobe!' ta basa riba storianan original di Yvette Ecury y Andy Daal, cu ta forma parti importante di e tradicion di contamento di historia di Compa Nanzi, un figura iconico den cultura Caribe y den literatura na Papiamento. Durante e anochi literario,



publico a por disfruta di un programa varia cu presentacionnan cultural, contamento di historia y informacion tocante e proceso creativo di e buki. E atmosfera ameno y participacion activo di e asistentenan a haci di e evento un celebracion digno di nos idioma y herencia cultural. Fundacion Lanta Papiamento ta gradici sinceramente tur persona y instancia cu a contribui na haci e lansamento aki posibel. Entre esnan cu a brinda apoyo y colaboracion tin UNOCA Aruba, Cultuurfonds Caribisch Gebied, Coleccion Aruba, Biblioteca Nacional Aruba y Archivo Nacional Aruba. Cu e lansamento di 'Ata Compa Nanzi atrobe!', Fun-



dacion Lanta Papiamento ta continua su mision di promove, fortalece y celebra uzo di nos idioma Papiamentu, mientras cu e ta mantene bibo nos tradicion di contamento di historia pa generacion actual y futuro.



CELEBRA BO PROME SANTA COMMUNION DEN RENAISSANCE CONVENTION CENTER



Nos ta ofrese diferente paketenan special pa e ocasion aki cual ta inclui:

- Un glass cu champagne na entrada
- Un bolo
- Red carpet
- Panja di mesa
- Muchanan di 5 pa 12 anja ta mitar prijs
- Prijs di nos bar ta na florin

Pa reservacion por yama Magaly na 5236404 of email: mmtheijssen@arubarenaissance.com

R
RENAISSANCE®
CONVENTION CENTER

Charla na cede di MEP ta resalta historia di e lucha pa Status Aparte



ORANJESTAD (AAN): Parlamentario di MEP, Xiomara Maduro, a presenta un charla riba e historia y significado di Status Aparte na Cede di Movimiento Electoral di Pueblo (MEP), den marco di conmemoracion di e celebracion di 40 aña di Status Aparte.

Durante su presentacion, Maduro a guia e audiencia pa medio di e diferente momentonan clave cu a marca caminda di Aruba pa logra su Status Aparte. E charla a muestra con e movimiento pa separacion di Antias Hulandes tin su raiz den e prome peticionnan pa mas autonomia, incluyendo e accionnan politico y social na 1933 y e gran manifestacion di 1947, unda miles di Arubiano a expresa nan deseo pa separacion.

Maduro a destaca tambe e rol central di Betico Croes, kende a drenta politica na 1967 y posteriormente a funda MEP na 1971. Segun Maduro, e partido a naci cu e meta di lucha pa un Aruba mas husto, uni y orguyoso di su identidad, basa riba idealnan di husticia social, amor pa Aruba, unidad di pueblo y autonomia.

Entre e eventonan historico menciona durante e charla tabata e manifestacion masivo di 18 di maart 1973 na Wilhelmina stadion, unda miles di Arubiano a reuni pa expresa nan

deseo pa un status autonomo den Reino Hulandes.

E lucha pa autodeterminacion a sigui crece den decada di 1970. Maduro a recorda e Marcha di Libertad, tambe conoci como Marcha di Flambeau, di 18 di maart 1975, cu a simbolisa e determinacion di pueblo pa logra su libertad politico.

Un momento clave den e proceso tabata e referendum di 25 di maart 1977, unda 82% di votante a pronuncia nan mes na favor di separacion di Antias Hulandes. E resultado a duna Aruba un mandato democratico fuerte pa sigui negocia cu Hulanda riba realisacion di Status Aparte.

E parlamentario a menciona tambe e periodo di protesta y mobilisacion social conoci como "Augustus Scur" na 1977, na unda pueblo Arubiano a expresa su frustracion despues cu MEP a gana eleccion di Staten pero no a logra forma gobierno. E protestanan y welga general di e periodo ey a contribui pa forza Hulanda habri dialogo riba futuro politico di Aruba.

Durante e charla tambe a wordo destaca con Betico Croes a duna 18 di maart un dimension nobo. Na 1976 e fecha a wordo escogi pa honra lidernan historico manera Juancho Yrausquin, Henny Eman y Shon A. Eman. E mes aña Aruba a adopta simbolonan importante di su identidad nacional, incluyendo su Himno y Bandera na 18 di maart.

Maduro a repasa tambe

e proceso diplomatico y negociacion cu a sigui despues di 1977, cu delegacionnan Arubiano participando den diferente comicion y conferencia internacional. E proceso a culmina na Conferencia di Mesa Rondo di 12 di maart 1983, unda Hulanda a reconoce e derecho di autodeterminacion di Aruba. E acuerdo ey finalmente a conduci na introduccion di Status Aparte na 1 di januari 1986.

Despues di e presentacion, e actividad a sigui cu un combersacion cu Nel Oduber, lider honorario di MEP y ex-Prome Minister di Aruba. Durante e dialogo, Oduber a comparti recuerdonan personal di e lucha politico pa Status Aparte y a ofrece contexto adicional riba e decisionnan cu a marca e periodo historico ey.

Oduber a conecta e historia di e lucha pa autonomia cu e discusionnan actual riba Rijkswet HOFA, indicando cu e tema di autonomia, gobernacion y responsabilidad dentro di Reino Hulandes ta sigui relevante pa Aruba te awe.

Segun e lider honorario, compronde e historia di Status Aparte ta fundamental pa por interpreta e debate actual riba futuro politico y financiero di pais.

E charla a finalisa cu un reflexion riba importancia di identidad nacional, unidad di pueblo y compromiso politico pa proteha e logronan di autonomia cu Aruba a conkista despues di decenas largo di lucha.



RESULTADO DI SORTEONAN PA CORTESIA DI CADENA ALEXANDER
 DIASABRA 14 Y DOMINGO 15 MAART 2026

DIARIO		KORSOU		CATOCHI		ZODIAC	
14-Mar	15 MAR	14-Mar	15 MAR	14-Mar	15-Mar	14-Mar	15-Mar
9865	6112	3409	2991	3061	4588	4790	PISCIS
1594	3562	4192	6371	5652	3062		
6303	4977	9986	3203	4672	1457		
				MULTI- X		3805	LEO
				X2	X2		
14-Mar	15-Mar	14-Mar	15-Mar	14-Mar	15-Mar	2808	
1678	3854	300 FP	987 X2	9153 FP	9724 X2		
		03-09-10-12-26					

BUSCA PALABRA

S O D T C A R E T A B R
 I R R S R R S J A A L O
 S H A U S R A A K S B I
 A A O R G U Y O S O E S
 O B I O N A I B U R A E
 H A N B R T H P O E T A
 N N P A I E I T C K E A
 H D E N H P E E A C S R
 J E C D S S H J S I C O
 D R H E U E O O K T A S
 T A I R D R N R N S M N
 A I R I O E O R K E I R
 S O O N E R R R T R S T
 B N T G B A E R A C A S

Arubiano Orguyoso Honor	Banderin Bandera Respet	Camisa Sjaal Dushi	Pechi Sticker Tera
-------------------------------	-------------------------------	--------------------------	--------------------------

> SUDOKU <

King Classic Sudoku

7	1	6			4			
				3		4		
					6			
			7			6	4	
		9	8		3			
1							7	
		3	2	5		9		
6						8		3

Difficulty: ★★★★★ 4-16

Diaranson lo no tin sorteo

ORANJESTAD (AAN):
 Tanto Sorteo DIARIO como tambe e weganan di Lotto lo no ta obtenibel riba Diaranson awor.
 Esaki ta relaciona cu e Dia di Himno y Bandera, 18 di Maart. Tur lugar di bende number na Aruba lo ta cera.
 Siguiete sorteo ta Diahuebs 19 di Maart 2026, y Lotto a indica cu nan sorteo di Lotto 5 lo bay ta riba Diahuebs anochi. Ta pidi comunidad tuma bon nota di esaki.

Hari Un Tiki

Un homber tabata cla pa bay drumi. Pero ora el a subi cama y tapa cu clechi, el a mira algo raro. El a puntra e muher:
 -"Dushi, di con na final di e clechi tin seis pia?"
 E muher a bis'e:
 -"Bo ta ekiboca mi amor, mihor bo conta bon".
 E homber a baha di cama y a conta y a bisa e muher:
 -"Dushi bo tin razon, ta 4 so tin".

Solucion Anterior

1	3	4	5	8	2	7	9	6
7	2	8	6	1	9	5	4	3
5	9	6	3	4	7	8	2	1
2	7	5	4	6	1	9	3	8
8	6	1	9	7	3	4	5	2
9	4	3	2	5	8	1	6	7
6	5	7	1	2	4	3	8	9
4	1	9	8	3	6	2	7	5
3	8	2	7	9	5	6	1	4

Difficulty: ★★★★★ 4-14

RESULTADO

— Resultado di Diasabra 14 Maart 2026 —

05 06 10 14 35

Free Letter: **i**

1er Premio: Tin 0 ganador
 2do Premio: Tin 0 ganador di Match 4+
 3er Premio: Tin 7 ganador di Match 4
 4to Premio: Tin 206 ganador di 12 Florin

Joker
32

Siguiete sorteo: Diahuebs 19 Maart 2026
 Premio di jackpot: **Afl. 270.000,-**

EMERGENCIA NA ARUBA

Dialuna 16 Maart 2026

DOCTER NA WARDA
SAN NICOLAS:
 Pa San Nicolas, Docter lo ta na H.A.P. ImSan.
 Docter tey for di 6'or di anochi te 10'or di anochi.

BOTICA NA WARDA
PARIBA DI BRUG:
 Botica 4 Centro Medico Bernhardstraat 55
 Telefon 584-5794

ORANJESTAD:
 Pa Oranjestad, Docter lo ta na Huisartsenpost H.A.P. na Hospital. Docter tey di 6:30 pm te cu 10:30 pm.

PABAO DI BRUG:
 Botica Santa Anna NV Noord 41-B
 Telefon 586-8181
 Telefon: 586-4010

Stop di benta sushi den mondi!
Con bo kier pa bo yiunan biba cu e medio ambiente di futuro?

ALMANAC

Bahada y salida di solo na Aruba

Lista di Crusero di bishita na Aruba

—Dialuna 16 Mar. 2026:
 Valiant Lady:
 (09:00 - 22:00)
—Diamars 17 Mar. 2026:
 Carnival Horizon:
 (08:00 - 22:00)
 Norwegian Sky:
 (13:30 - 22:30)
—Diaranson 18 Mar. 2026:
 HAL Rotterdam:
 (08:00 - 17:00)
 Brilliance of the Seas:
 (08:00 - 23:00)
 Serenade of the Seas:
 (08:00 - 23:00)
—Diahuebs 19 Mar. 2026:
 MSC Divina:
 (08:00 - 18:00)
 Azamara Quest:
 (09:30 - 22:00)
—Diabierna 20 Mar. 2026:
 Caribbean Princess:

Bo mester di un hende pa Scucha bo ??

Tel: 583-1190
 Anonimo y Confidencial

Bisti bo Seatbelt semper!
Bo ta keda bibo sigur!

Polis no ta topa cu hende hinca na Pindastraat



ORANJESTAD (AAN): Diasabra rond di 11:00 di anochi, polis a bay cu urgencia na un supermerca- do na Pindastraat despues cu a drenta un alarma cu un persona lo a wordo hinca. Diferente patruya a yega mesora a baha pa controla

kico por a pasa. Sin embargo, despues di un investigación rapido, polis no a topa cu nada fuera di normal. Personanan cu tabata pafor di e supermercado a wordo controla, pero tampoco no a haya nada sospechoso.

Tur cos ta indica cu posiblemente a trata di un mal entendido of un broma di mal gusto. Ta bon pa recorda comunidat pa uza e number di emergencia solamente pa situacionnan real cu ta rekeri asistencia inmediato.

Casonan Penal pa wordo trata den Corte di Husticia na Aruba

Casonan di Dialuna 16 Maart 2026



Horario	Sospechoso	Acto Castigable
8:15 am	M.V. R.R.G.D.	E dos sospechosonan lo bay scucha sentencia di Hues den nan caso.
8:30 am	E.B.A.A. J.S.O.	Sospechosonan A. y S.O. ta wordo acusa di importacion di cocaina y marihuana, preparacionnan pa traficacion di cocaina y posesion di arma di candela den e periodo di 8 di Juni 2024 y 3 di October 2025.

ORANJESTAD (AAN): For di Ministerio Publico, esaki ta e lista di caso penal cu lo wordo trata riba Dialuna 16 Maart 2026

den Sala di Corte di Husticia na Aruba. E informacion aki a wordo suministra door di Ministerio Publico.



Reflexion den tempo di Cuaresma

Dios no ta piedra, plata ni oro, sino espirito di berdad y poder. Amen

Discurso di Pablo dilanti Areo Pago — (Echonan 17:16-34)

Presenta pa:
Jose y Salomon Rodrigues do Vale



¹⁶Mientras Pablo tabata warda nan na Atena, el a sintie masha malo ora el a mira e cantidad di idolo cu tabatin den e ciudad. ¹⁷P'esey e tabata papia den snoa cu e hudiu- nan y e no hudiu- nan cu tabata adora Dios, y riba Agora, e plaza publico, e tabata papia tur dia cu e hendenan cu tabata pasa eybanda. ¹⁸Tambe tabatin algun filosofo epi- cureo y stoisista ta discuti cune y algun di nan a bisa: "Kico e papiado di cos di loco ei ke bisa?" Algun otro a bisa: "Parse cu e ta un predicado di diosnan stranhero." Nan a bisa asina, pasobra Pablo tabata predika e bon noti- cia tocante Hesus y tocante resurreccion. ¹⁹P'esey nan a cohe Pablo y a hib'e dilanti di Areo Pago. Aya a puntr'e: "Nos por a sa kico e siñansa nobo cu bo ta papia di dje ta? ²⁰E cosnan cu bo ta papia ta zona straño den nos oreo, p'e- sey nos ke sa kico nan ke men." ²¹Awor ta asina cu tanto e hendenan di Atena como e stranheronan cu tabata biba ei tabata gusta pasa tempo cu contamento y scuchamento di novedad.

²²Pablo a lanta para dilanti di conseho Areo pago y bisa: "Habitantenan di Atena, den tur cos mi ta mira cu boso ta hendenan masha religioso. ²³Pasobra ora mi tabata kana ront den boso ciudad y tabata observa boso santuarionan, mi a asta topa un alta cu e inscripcion: 'Na un dios desconosi'. Wel, loke boso ta adora sin conoce, ami ta anuncia boso. ²⁴Dios cu a crea universo y tur loke e ta con- tene, e Señor di cielo y tera, no ta biba den tempelnan traha pa man di hende. ²⁵Ni E no tin mester nada cu man di hende por dun'e; E mes ta duna bida, rosea y tur sobra cos na tur hende.

²⁶For di un hende El a crea tur pueblo pa biba rond mundo. El a determina nan temporadanan y e limitenan di nan ter- ritorio ²⁷ y E tabata ke pa e pueblonan purba hañ'E dor di busk'E y purba toka cunE. Di pursi E ta cerca cada un di nos. ²⁸Pa cita boso mes poetanan: 'Ta pa medio di Dios nos ta biba, move y existi' y 'Nos ta su decendientenan.'

²⁹Wel, si nos ta decendientenan di Dios, nos no mester kere cu Dios ta manera e imagennan di oro, plata of piedra, traha y diseña door di hende. ³⁰Dios a laga e tem- ponan di ignorancia pasa numa, ma awor E ta ordena pa tur caminda tur hende comberti. ³¹Pasobra El a fiha un dia riba cua lo E huzga henter mundo segun husticia pa medio di un homber cu El a apunta. El a proba esaki na tur hende pa motibo cu El a lant'E for di morto."

³²Ora nan a tende Pablo papia di resurreccion di mortonan, algun di nan a hasi bofon di dje; ma otronan a bisa: "Nos ke tende mas di esey un otro biaha." ³³Asina Pablo a ban- dona e reunion. ³⁴Algun hende a join Pablo y acepta fe; entre nan tabatin Dioniso, un miembro di e Areo Pago, un muhe cu yama Damaris y algun otro hende mas.

Grupo nobo di aspirant di polis ta cuminsa nan formacion na Scol di Polis Edgar Joaquin Watty Vos



ORANJESTAD (AAN): Diabierna un grupo di diestres hoben nobo balente a cuminsa oficialmente cu nan formacion na Politie Opleidingsinstituut Edgar Joaquin "Watty" Vos na San Nicolas. Prome cu nan a yega na e instituto di formacion, e aspirantenan a pasa tres dia di entrenamiento intensivo na Marinierskazerne Savaneta. E meta di esaki ta pa siña e hobennan traha den ekipo y pa nan conoce otro den diferente situacionnan. Condi-cionnan dificil y diferente escenario a pone e hobennan aki bao presion fuerte riba nan estado mental y emocio-

nal, y ta precisamente den momento asina cu e trabao den ekipo ta bira esencial. E "ontgroening" a culmina cu un actividad fisico intensivo den cual e aspirantenan a core for di Marinierskazerne Savaneta te na Scol di Polis, unda Minister di Husticia mr. drs. Arthur Dowers, hunto cu Altocomisario di Polis Ramon Arnhem y instructornan di e scol tabata warda riba nan yegada. Cu perseverancia, e hobennan a pasa mey mey di e otro aspirantenan cu tabata para cada banda pa saludan nan coleganan nobo. E formacion di e grupo nobo di polis ta cuminsa cu seis



luna di teoria, sigui pa seis luna di experiencia practico den straatdienst bou di guia di un superior. Ta trata di un educacion dirigi riba e profesion di polis, structura den un trayecto di traha y siña, unda teoria y practica ta bay man den man.

Despues di e prome aña, e aspirantenan lo sigui cu un aña di entrenamiento practico pa completa nan educacion di N2. Despues di esaki, nan lo tin oportunidad pa sigui desaroya nan mes den educacion policial door di sigui cu e educacion di N3 y N4, cu ta permiti nan sigui crece profesionalmente den Cuerpo Policial.

Durante e ocasion aki, Minister Dowers a dirigi palabra na e aspirantenan y a felicita nan pa a alcansa e punto importante aki, cu ta marca e inicio di nan training como polis. E profesion di polis ta bin cu un responsabilidad grandi y ta rekeri disciplina, perseverancia y profesionalismo.

Minister Dowers a recorda tur aspirant cu unabes nan subi caya, pa nan sirbi e comunidad cu respet y dignidad. Finalmente e mandatario di husticia a desea e grupo hoben sabiduria, perseverancia y exito durante nan formacion y carera.



Special

Magaly Sumter ta briya y luci mas cu nunca

Skirbi pa:

Ruthy 'Lady Ruth' Vrieswijk-Bergen



Magaly Sumter awe ta briya y luci mas cu nunca
A we dia di su cumpleaños feliz y bendiciona
Grandi ta su amor y dedicacion na cultura
A laba sea e nomber di Tata Dios su Creador
pa su ternura

Laman tera y cielo ta canta pe awe cu alegria
Y ta bendicion'e cu mas talento creativo
den su sabiduria

Semper cu su dushi sonrisa riba su cara
Un den felicidad cu su guapo esposo Ludson
Manera un sirena di laman brasa pa Yuyu
Tur pisca ta di fiesta awe hunto cu e pareha dushi aki
E bendicion di solo strea y luna yen na abundancia
Ruthy y Johan ta manda sunchi y braza fo'i distancia

Nos ta aprecia'bo, elogia'bo, respeta'bo y stima'bo lieve
Magaly Magasu Lady Bratz....

Masha masha masha pabien!

Ruthy 'Lady Ruth',
Maart 2026

*Un Poema Acrostico pa
Magaly Sumter, un pilar den
mundo cultural di Boneiro.*

DEPORTE INTERNACIONAL

Red Sox a firma Coulombe y Gonzalez a opera schouder



BOSTON: Boston Red Sox recientemente a firma pitcher surdo di relevo Danny Coulombe, na un contrato di 1 año.

E ekipo a bisa tambe Diahuebs cu hungador di utilidad Romy Gonzalez a haci un operacion na su schouder robes y a wordo poni riba e lista di esnan lesiona di 60 dia.

No ta cla exactamente cuanto tem-

po Gonzalez lo ta pafo di accion.

Coulombe di 36 año den 11 temporada cu 5 diferente ekipo tin un record di 17-10 y un ERA di 3.35. El a aparece den 55 wega temporada pasa pa Texas Rangers y Minnesota Twins y tabata tin un record di 2-1 y un ERA di 2.30.

Gonzalez temporada pasa pa Boston a bati pa un average di .305, cu 9 homerun y 53 careda impulsa.

Muy probablemente Formula 1 ta bay scrap caredanan na Bahrain y Saudi Arabia



BAHRAIN: Debi na e guerra y inseguridad den Medio Oriente, Formula 1 lo scrap e caredanan na Bahrain y Saudi Arabia.

De Telegraaf a reporta cu e caredanan di Grand Prix cu mester a tuma lugar den luna di April no ta sigui mas.

Sin embargo esaki no a wordo confirma oficialmente pa Formula 1 mes.

Ta wordo verwacht cu dentro di poco e noticia lo bira oficial.

Lo no bin caredanan extra tampoco pa reemplaza e dos caredanan aki.

Capitan di Chelsea ta prolonga contrato te cu 2032



INGLATERA: Despues di algun tempo di discusion, evaluacion y negociacion, Reece James y Chelsea a yega na un acuerdo pa firma un prolongacion di contrato te cu final di temporada di 2032.

Esey ta nifica cu el a firma un contrato nobo di 6 año cerca e club di Premier League di Inglaterra.

E contrato anterior di e capitan di Chelsea lo a yega su final den


zomer di 2028.

James a sali for di e opleiding hubenil di e club y a haci su debut den e ekipo principal na 2019.

E hungador di parti robes di defensa di 26 año desde su debut a hunga 225 wega pa e ekipo den tur competencia.

Na 2023 el a wordo nombra capitan di Chelsea.

Priester di Brewers ta bay perde alrededor di 1 luna



MILWAUKEE: Pitcher di Milwaukee Brewers Quin Priester ta bay perde por lo menos 1 luna di accion.

Esaki debi na e hecho cu e ta recuperando di un asunto di nervio.

Durante mayor parti di Spring Training Priester tabata confronta cu un molester di pols.

Manager di Brewers Pat Murphy a duna di conoce cu e problema tabata tin di haber mas tanto cu asina yama thoracic outlet syndrome.

E manager a calcula cu su pitcher lo por ta bek rond di fin di April.

Noticia Internacional

Benjamin Netanyahu a publica un video cu e ta burla e rumornan di su morto

Prome Minister di Israel, Benjamin Netanyahu, a publica un video riba medionan social diadomingo den cual e ta burla di rumornan di su morto despues di e atakenan recien den Medio Oriente. Den e grabacion, Netanyahu ta aparece den un koffiashop y, ora e ricibi un kopi di koffie, e ta broma: “Kico bo a puntra mi? Oh, kico nan ta bisando riba medionan social, cu mi ta morto? Mira, mi ta muriendo pa koffie. Y bo sa kico? Mi ta muriendo tambe pa mi hendenan; e manera cu nan ta comporta ta simplemente fantastico.” E mandatario asina ta uza un frase hebreo ekivalente na “stima algo te na morto” pa burla di e versionnan cu a circula despues di e ofensiva Irani.

E prome minister a agrega, “Bokier conta mi dedenan?”

Wak: aki, aki... mira? Hopi bon. Cheers!” hisando tur dos man pa muestra cu e tin 10 dede. Asina e ta responde na teorinan di conspiracion cu ta circula riba medionan social, segun cual un transmision di television recien a wordo genera cu inteligencia artificial y a mostra Netanyahu cu seis dede na un man.

Den e mesun mensahe, e ta gradici nan pa e koffie y, den un tono relaha, ta comenta: “Mi mensahe pa e hendenan cu ta sali pa limpia nan cabes ta esaki: sali y busca un tiki aire fresco, pero semper keda cerca di un luga sigur. Boso resiliencia ta increibel y ta duna hopi forza na ami, Gobierno, IDF (IDF), y Forsa di Defensa y Mos.”

E video di Benjamin Netanyahu a keda publica despues cu afirmacionnan infunda riba e morto di Netanyahu den un atake Irani a circula riba plata-



formanan digital despues di e mortonan di Ayatollah Ali Khamenei y otro funcionarianan Irani di alto rango durante operacionnan militar conhunto Mericano-Israeli na Iran. E prome minister ta enfatisa cu su gobierno ta tumando accion contra Iran, bisan-

do, “Nos ta haciendo cosnan cu mi no por detaya na e momentonan aki, pero nos ta dal Iran hopi duro, asta awe. Boso ta pidi mi pa sigui, y mi ta bisa tur hende: boso mester sigui tambe.”


Guardia Revolucionario di Iran a menasa publicamente diadomingo di “caza y mata” e prome minister Israeli si e sigui cu operacionnan militar, segun un comunicado oficial informa pa medionan di comunicacion Irani. “Nos lo persigui implacablemente y mata cu forza e prome minister sionista criminal, si e ta na bida ainda,” e hercito ideologico di e regimen a bisa den un comunicado divulga pa su oficina di relacionnan publico y publica riba e website di Sepah News.

Homber deteni pa posesion di pornografia infantil na Aeropuerto Internacional di Miami

E aresto di un ciudadano di Illinois a causa alertanan na Aeropuerto Internacional di Miami despues cu autoridadnan a haya material di abuso sexual di mucha riba su telefon celular durante un control na frontera.

E caso ta enfatisa e importancia di proceduranan di inspeccion digital y cooperacion internacional den e lucha contra explotacion di mucha.

Segun Duana y Proteccion di Frontera di Merca, Martin Esho, di 33 aña, un residente di Lincolnwood, Illinois, a wordo aresta despues di a yega Miami riba un buelo di American Airlines for di Medellin, Colombia, dia 7 di maart. Ora el a drenta e pais, agentenan a selecta e pasahero pa inspeccion secundario, caminda nan a controla e dos iPhone cu e



tabata carga.

Durante e inspeccion, agentenan federal a haya imagen y videonan di abuso sexual di mucha den foldernan proteha cu password riba tur dos aparato. E material tabata scondi den un seccion di e galeria di potret, cu tabata rekeri un password pa haya acceso. Autoridadnan a detaya cu, despues di e descubrimiento, Esho a admiti di a mira algun di e videonan anteriormente, aunke el a argumenta cu su intencion tabata pa elimina nan y cu el a download nan inadvertidamente mientras e tabata download videonan for di internet.

Candidato presidencial Peruano Napoleón Becerra a fayece den un accidente di trafico

LIMA: E candidato presidencial peruano Napoleón Becerra, un di e 36 candidatonan cu ta competi pa presidencia den e eleccionnan general di april di Peru, a fayece den un accidente di trafico durante un biaha pa un evento di campaña den sur di e pais, segun fuentenan di su partido y medionan oficial a informa diadomingo.

Becerra, di 67 aña di edad, kende a lidera e Partido di Trahadornan y Empresarianan Izquierdista (PTE-Peru), tabata envolvi den e accidente riba e autopista Vía de los Libertadores den e region di Huan-cavelica, mientras e tabata biaha pa e region bisiña di Ayacucho, Emely Silva, un candidata pa Congreso representando Lima y vocero di su partido, a bisa RPP na radio.

“Nos a wordo informa al-

gun minuut pasa di e accidente pa coleganan cu ta den e zona y cu tabata biaha cune. Nan a notifica nos cu nos presidente (Napoleón Becerra) a fayece,” Silva a bisa.

PTE-Peru ta aparece den e encuestanan di intencion di voto den e categoria “otro”, teniendo menos di 1% di e preferencianan di e ciudadanonan.

Segun informacionnan confirma pa medionan oficial manera e corant El Peruano, e Agencia di Noticia Andina, y e red di TV Perú, e candidato tabata viahando pa e ciudad andino di Ayacucho, na mas di 550 kilometer zuid di Lima, den un vehiculo priva pa sigui cu su campaña.

RPP a specifica cu e accidente a tuma luga na kilometer 183 di e caminda Vía de los Libertadores



den e hurisdiccion di e ciudad di Huaytará, na Huan-cavelica.

E medio di comunicacion a indica cu e alcalde di e distrito di Pilpichaca, Balvín Huamaní, a informa cu e candidato tabata biaha den un pickup cu a cay den precipicio banda di caminda pa motibonan cu te ainda no ta cla.

Segun e informacion ey, Becerra a wordo hiba pa un centro medico cercano, pero a fayece di e heridan-an cu el a sufri, mientras cu tres otro persona cu tabata den e mesun vehiculo a keda herida, dos di nan gravemente, pues nan a

wordo traslada pa e ciudad di Ayacucho.

Eleccionnan general na Peru lo tuma luga dia 12 di april pa eligi autoridadnan nacional pa e periodo 2026-2031, incluyendo e Presidente y dos Vice Presidente, un Congreso cu 130 representante, un Senado cu 60 miembro, y 5 representante pa e Parlamento Andino.

Si ningun candidato presidencial no obtene mayoria di e votonan, dia 7 di juni lo tene un eleccion di segunda buelta entre e dos candidatonan presidencial cu mas voto valido.

Noticia Internacional

Crisis na Cuba:

Manifestantenan a cende un sede di Partido Comunista na candela y e caos a laga un persona herida



Habitantenan di e municipio di Morón, na Ciego de Ávila, a cende candela na e sede local di Partido Comunista di Cuba (PCC) diabierna anochi meymey di protestanan popular contra e regimen Cubano dirigi pa e dictador Miguel Díaz-Canel.

Ademas tabatin informe di tiroteo cu a laga por lo menos un hoben herida. E disidente Rosa María Payá denuncia e incidente riba su medionan social: “Informenan di tiramento di polis riba hende no arma y pacifico na Morón.”

E periodista independiente Guillermo Rodríguez Sánchez a comparti videonan cu ta muestra manifestantenan ta tira obhetonan na candela riba e sede di Partido Comunista, como tambe escenanan di e candela cu a envolve e edificio.

Segun un video publica pa un otro periodista, varios manifestante a drenta e sede municipal di Partido Comunista di Cuba (PCC) y a kita muebles, cuadranan, y materialnan di propaganda politico. E articulonnan a wordo acumula den caya y cende na candela, meymey di canto contra e regimen.

Habitantenan a declara

riba medionan social cu “e pueblo di Cuba a haya suficiente”, describiendo kico a pasa. Pa decadanan, protestanan pacifico riba e isla a termina cu represion policial, aresto, y violencia contra manifestantenan. Hopi ciudadano ta kere cu e presion constante aki di e regimen, hunto cu detencionnan arbitrario, a aumenta e intrankilidad social.

Segun Rodríguez Sánchez, un agente policial a los su arma y a dal un hoben den rudia cu tabata cerca di un candela dilanti di e sede di PCC.

“E momento exacto, segun testigonan, un agente policial a los su pistol y a dal un hoben den rudia. E hoben tabata para banda di un candela meymey di caya dilanti di e sede di Partido Comunista den e municipio ey,” e reportero a splica ora a comparti e video riba medionan social.

E imagennan ta muestra varios bisiña ta hiba e hoben herida for di e sitio y ta brind’e prome auxilio, mientras cu e tension ta sigui den e area rond.

E incidentenan a sosode meymey di un interrupcion di internet den e pueblo, cu a stroba e fluho di informacion den tempo real. Peri-

odistanan y activistanan a informa cu e interrupcion a coincide cu informenan di tiroteo y e difusion di imagennan di e candela cerca di e sede di Partido Comunista.

Cubanonan anteriormente a subi caya pa protesta contra blackout prolonga, scarcedad di cuminda y condicionnan di bida cu ta deteriora den e pais. Videonan cu ta circula riba medionan social ta muestra hende ta bati wea y canta “Libertad!” durante marchanan di anochi den varios parti di Morón.

Diabierna, e NGO Prisoners Defenders a subi na ocho e cantidad di presonan politico libera na Cuba, despues di e anuncio di gobierno di inicio di un proceso pa libera 51 preso. E prome comunicadonan aki a coincide cu e confirmacion di dialogo entre autoridadnan Cubano y representantenan di administracion Mericano. Segun Prisoners Defenders, esnan cu a sali den libertad no ta figuranan di oposicion di alto perfil, sino mas bien ciudadanonan cu a participa den e protestanan di 11 di juli 2021.

Fiscal ta considera e peticion di Maduro pa Venezuela paga pa su defensa huridico como “extraordinario”



Fiscalnan federal di Merca a bisa cu un hues mester nenga e peticion di presidente Venezolano destitui Nicolás Maduro pa rechaza e acusacionnan di narcoterismo, argumentando cu gobierno di Merca a obstaculisa su derecho di un defensa.

Luna pasa, abogadonan di Maduro y su casa, Cilia Flores, kende a join e mocion, a argumenta cu e derechonan constitucional di e acusadonan a wordo viola ora cu gobierno di Merca a nenga di duna nan permiso cu lo permiti gobierno Venezolano paga pa nan servicionan huridico. Fiscal a informa Hues, den un documento entrega na Corte diabierna anochi, cu e peticion di e Maduro pa ricibi pagonan for di Venezuela ta “extraordinario”. Nan a urgi e hues pa nenga e mocion pa rechasa e acusacion, argumentando cu e Oficina di Control di Activonan Stranhero (OFAC) di e Departamento di Tesoro si a otorga Maduro y Flores, tur dos sanciona na Merca, un permiso pa haya acceso na nan fondonan personal na Venezuela.

Sin embargo, OFAC a nenga e peticion di e acusadonan pa un excepcion adicional: pa permiti nan paga nan gastonan legal cu fondonan discrecionario controla pa un gobierno sanciona. Esaki ta pasobra e regulacionnan di OFAC ta prohibi expresamente e uzo di fondonan di un entidad sanciona pa paga e gastonan di abogado di un otro individuo sanciona, e fiscalnan a skirbi. OFAC

su rechazo di e peticion aki no ta nifica, manera e acusadonan ta sostene, cu e gobierno a interferi cu nan derecho riba un defensa of a viola nan derechonan di proceso debido.

Fiscalnan a indica cu nan lo no duna comentario riba e peticion di e abogadonan di defensa pa retira for di e caso si e mocion wordo nenga.

Nan a agrega cu nan no tabata na altura di ningun instancia previo cu OFAC a permiti un gobierno stranhero sanciona pa paga e gastonan legal di un otro individuo sanciona.

Fiscal tambe a trece dilanti loke probablemente lo bira un otro tema legal dificil den e caso: si Maduro y su casa ta lidernan legitimo di Venezuela y ki beneficio of proteccion nan lo tin derecho di ricibi.

“Por lo menos for di e perspectiva di e gobierno di Merca, e acusadonan lo no tin derecho riba ningun benefisio legitimo di e gobierno di Venezuela, como cu nan no tabata funcionarionan of empleadonan legitimo di Venezuela,” e fiscalnan a skirbi.

Abogado di Maduro a presenta e mocion di retiro luna pasa, despues cu el a bisa cu el a haya un licencia di OFAC pa ricibi pagonan for di Venezuela, cual a wordo revoca algun ora despues. Abogado di casa di Maduro a uni su mes na e mocion pa destitui despues di e revocacion di su rijbewijs.

Fiscalnan a afirma cu e permisonan inicial cu ta autorisa e pagonan tabata un “eror administrativo.”

Pa chika Pos - Habri tubería y wc. Servicio lihe y confiabel.
Experiencia ta manda
CICLONE
Septic Tank Service
Tel: 564-0607 / 734-0607

TA FURA
ELMA UPHOLSTERY
Matras, box busca mainta y haye atardi! Set di sala, tv chair, sienta auto.
Tel: 565-5577
Macapruimstraat # 1L

CONSTRUCCION REMODELACION
Nos ta traha y drecha tur sorto di dak: shingle, eterniet, panchi, zink. Pega bloki, tegels, plafond, pleister, pone porta, lanta cura, basha vloer, construcccion di cas y apto bon prijs. Free quotation.
Tel: 561-2137

NOS TA DRECHA
Frigidaire, wasmachine, dryer, airco, cooler.
Tel: 566-4366

SE BUSCA
Señora para cuidar adulto mayor 8 horas diarios diferente horario. Preferiblemente con experiencia.
Cel: 569-3421 / 594-9400.

WASMACHINE
Ta drecha wasmachine, dryer, stoof, forno. Ta drecha, service y instala airco. Tel: 742-2518. Ta drecha na cas mes.

GRATIS
Auto bieu den cura? Nos ta pikje pornada. Airco y bateria tambe. Frigidaire, stoof, wasmachine, dryer etc. ta 25,- p/un. Yama nos na 561-4297 of 561-5179. Arubiano balente.

JR PLOMERIA Y CONSTRUCCION VBA
Nos ta haci tur trabao di plomeria grandi y chikito. Lavamanos, wc, lavaplato y ducha.
jrplomeriaconstruccion@gmail.com • Sero Blanco 29-E
Tel: 563-4154 • 563-9130

TA CUMPRO
Holoshi antiguo y moderno di bon marca.
Tel: 744-9995

PROMASTER
Pa laba tapijt, sofa, tur matras. 99% desinfecta.
Tel: 582-0383 / 593-3538
Leslie Maduro

DIARIO
Pa noticia, cumpleaños, comentario, redaccion: noticia@diario.aw
Tel: 582-6747

Apertura di Exposicion “Site-Side-Sight Walks” na Museo Arqueologico Nacional Aruba



ORANJESTAD (AAN): Diahuebs anochi a tuma luga e apertura oficial di e exposicion “SITE-SIDE-SIGHT WALKS” di investigadora y artista di glas Bernadette van der Klooster na Museo Arqueologico Nacional Aruba (MANA). E evento a reuni invitadonan den un ambiente agradabel dedica na arte, investigacion y herencia cul-

tural di Aruba. Arkeologo Harold Kelly, kende actualmente ta encarga cu e guia diario di MANA, a duna tur invitado un caluroso bonbini. Durante palabra, Kelly a comparti brevemente su experiencia di colaboracion cu Bernadette van der Klooster, un proceso cu finalmente a resulta den e exposicion special aki.



ASSOCIATED REALTORS

TERENO PA BENDE?
Bo tin pensa di bende bo tereno? Eigendom of erfpacht. Anto laga nos atende cu tur e tramitenan di benta via notario. Yama Mito na 593-6318 pa un presentacion.

TA CHAPI

Corta mata. Ta tira sushi afo. Nos ta hardineria completo na super bon prijs.
Tel: 569-8003

TA CHAPI

TIRA SUSHI AFO
TRANSPORTE DE CARGA
Tel: 594-5115



momento social riba e terras di dak di MANA, caminda invitadonan a disfruta di un brindis y pasa boca. E exposicion SITE-SIDE-SIGHT WALKS ta un proyecto cu combina investigacion cientifico cu expresion artistico, enfoca riba e pin-

nan textual y documentario audiovisual. E exposicion lo keda disponible na Museo Arqueologico Nacional Aruba te final di 2026, brindando diferente oportunidad pa publico conoce mas di cerca e conexion entre arte, historia y patri-



turanan riba baranca indigena di Aruba. Den colaboracion cu arkeologo Harold Kelly di MANA, Van der Klooster a bishita diferente sitio arqueologico di e pinturanan y a traduci su investigacion den obhetonan di glas, instalacionnan artistico, reflexion-

monio cultural di Aruba. Como parti di e programa, artista Bernadette van der Klooster lo ta presente dia 18 di maart, durante celebracion di 50 aña di Himno y Bandera di Aruba, pa duna un Artist Talk pa publico entre 10’or di mainta te 3’or di merdia.

Señora adulto mayor atraca den su cas na Suriname

PARAMARIBO: Un señora di 81 aña di edad, a wordo atraca den dia cla na su cas den Tangibaweg na Suriname. E atracador na final a logra di ranca careda y bay cu dos tas conteniendo propiedadnan personal, y a huy bay den direccion desconoci.

E señora adulto di inicial G.B. tabata e momento ey cu su casa na cas. Su casa sinembargo tabata patras den cura, pues e señora su so tabata paden. E señora su bista no ta perfecto, y no por a indica exactamente ki ora e intruso a drenta su cas. Pero diripiente el a wordo asalta for di patras door di e atracador cu no tin arma. E señora a purba di lucha cu e atracado tambe.

E luchamento a pone e señora haya corta riba su lomba. No obstante su resistencia, e atracador a

logra los bay, a gara ambos tas, y rek careda sali pafo. Polis di Lelydorp aworaki ta investigando e caso.

Criatura di 2 aña casi a hoga durante fiesta di mucha na Suriname

PARAMARIBO: Un mucha muhe di 2 aña di edad casi a hoga recientemente den oranan di anochi na un pool na Leiding 16 na Suriname. E mucha a wordo saca na tempo for di awa, y pa awo ta for di peligro.

E mucha tabata hunto cu su mayornan na un lugar di landa na Leiding 16, unda famianan a organiza un fiesta di mucha. E lugar a wordo gehuur pa e fiesta.

Diripiente hendenan a ripara cu nan no ta mira e mucha mas, pasobra el a desaparece den parti hundo di e pool. Un primo a ripara esaki y a logra sake mesora for di awa.

E pool aki no ta dispone di personal di salbabida. Pero famia a core hiba e mucha pa Academisch Ziekenhuis Paramaribo, unda docternan a constata cu e ta fo'i peligro, y nan a dune oxigeno extra.



Cumana # 76 & # 44
van Speyckstraat # 1
Oranjestad, Aruba
T.: (297) 588-6699
E.: info@aurorafuneralaruba.com

"Wat op liefde gebouwd is, kent geen vergeten."

Cu inmenso tristeza y profundo dolor na nos curason, pero conforme cu boluntad di Dios nos ta participa fayecimiento inesperadamente di:

**Mr. Orlando Edmund
Lo-Fo-Sang**

Mihor conoci como: "Meneer Lo-Fo-Sang"

*10-09-1951

†10-03-2026



Na number di su:

Esposa:

Catarina Lo-Fo-Sang-Zievinger

Yiunan:

Delano Kross, esposa y yiunan

Jaiden Lo-Fo-Sang, pareha y yiu

Garrick Loefstok y yiunan

Mayornan:

†Ilse Harriette Samson

†Paul Lo-Fo-Sang

Rumannan:

Annemarie Ilse Lo-Fo-Sang y famia

Ilsemarie Eleonora Lo-Fo-Sang y famia

Jacqueline Elisabeth Lo-Fo-Sang

Prima y primonan:

Maria Monsanto (na Hulanda)

Kenneth Samson y famia

Leo Samson y famia

Suegra y suegro:

†Reginalda y †Bonifacio Zievinger-Klepper

Cuñia y swanan:

Miguel, esposa Vilma y yiunan

Angela (Maria) Zievinger

Reina, esposo Isidro y yiunan

Juanita, esposo Jovito y yiunan

Magdalena, esposo Wilfrano y yiunan

Pedro Zievinger

Francisco (Frans), esposo Mayra y yiu

Amigonan di cas:

Michael Bierfliet (na Suriname)

Buchi (Alberto) La Veist

Harold Rafini

Ex-coleganan di Emma School, Pieter Boer, J.F.K. School, y

E.P.B. Hato

Demas famia: Lo-Fo-Sang, Zievinger, Samson, Kross, van der Maarel, Ng, Klepper, Henriquez, Boekhoudt, Quintero, Tromp, Guerra

Disculpa nos si den nos tristeza nos por a lubida riba un of otro famia.

Oportunidad pa condolencia lo tuma lugar diahuebs 19 di maart 2026 di 7:00 pa 9:00 pm na Aurora Funeral Home.

Ta invita pa e acto di despedida cu lo tuma lugar diabierna 20 di maart 2026 na misa Santa Filomena di 9:00 am pa 11:00 am, sigi pa e acto di entierro na Santana Pastor Kranwinkiel na Paradera.

Despues di entierro lo no bay ricibi bishita na cas.



Cumana # 76 & # 44
van Speyckstraat # 1
Oranjestad, Aruba
T.: (297) 588-6699
E.: info@aurorafuneralaruba.com

Dios lo habri porta pa bo.
I nos sa ku den tur kos Dios ta traha pa e bon di esnan ku ta stim'E.
Romano 8:28

Cu inmenso tristesa den mi curazon, pero conforme cu boluntad di Dios,
Mi ta participa fayecimiento di mi
Esposo:



**Herbert Winfield
Croes**
Mihor conoci como:
"Boei"
***16-10-1956**
†06-03-2026

Na number di su esposa:

Erna Croes-Boekhoudt

Mayornan:

†Herbert Sydney Croes y †Elena (Ellen) Croes-Raven

Suegro y Suegra:

†Basilio Boekhoudt y †Ana Maria Boekhoudt-Croes

Rumannan:

Helen (Heddy) y Frederic Muskus-Croes

Esther Madeline Croes y yiunan

Dan Milstein

Richard (Darrel) Milstein y Monica Areliano

†Elaine Silvia Croes

Grecelle y Dady Roos-Croes y yiunan

Murielle y Patrick Brown-Roos y yiunan

Thomas y Laura

Amy Roos y yiunan

Nina, Gabriella y David

Su tantanan y omonan:

†Aquiles y Jane Raven-Arends y famia

†Ada y †Edward de Haseth-Raven y famia

†Albert y Evelina Raven-Arends y famia

Judith y Frans de Vries-Raven y famia

†Violet y †Adrianus Polviet-Croes y famia

†Daisy y †Juan Chabaya (Padu) Lampe-Croes y famia

Cuñanan:

Betty y †Alejandro (Janjo) Boekhoudt y yiunan

Raymond y Haidy Boekhoudt-Alfaro Luna y yiunan

Alejandra y Daniela

Mariska y Michael Lin-Boekhoudt y yiunan

Michelle y Jonathan

Alvin y Jessica Boekhoudt-Kelly y yiunan

Dylan y Jeslenne

Irma Boekhoudt

†Chimina y †Jaty Thijzen y yiunan

Dennis y Gina Thijzen-Jansen y yiunan

Tanisha y Jesmira

Milton y Amparo Thijzen-Alzate y yiunan

Anton y Jenny

†Aura y †George Nicolaas

Louisa (Lucia) y Ronny Arends y yiu

Ricky y Jennifer Arends-Reyes y yiu

Charlotte

†Elka Boekhoudt

Demas Famia: Croes, Boekhoudt, Raven, Arends, Muskus, Roos,

Milstein, Brown, Irausquin, Areliano, Lampe, Polviet, Thijzen,

Nicolaas, de Haseth, de Vries, Trinler, Henriquez, Eman

Na tur su bon amigonan cu ta hopi pa menciona.

Na Trinity Quality Care pa su bon servicio: Kim, Melissa, Marlene, Farshjana, Desi, Inge, Nathalie, Judith, Suze

Acto di entierro lo ta tuma lugar diasabra 21 Maart 2026 den Kerki Protestant na Playa. E restonan mortal di mi querido esposo Herbert Winfield (Boei) Croes lo reposa for di 9.00 am pa 11.30 a.m di mainta y depues pa Santana Protestant den Boerhavenstraat.

Mi ta lamenta cu despues di entierro mi no por ricibi condolencia na cas.

Si en caso den mi tristeza mi por a lubida algun persona of famia, mi ta pidi mi mas sincero disculpa



ANUNCIO DI FAYECIMENTO

Cu inmenso tristesa hunta di Directiva & Management Team di Instituto Medico San Nicolas (ImSan) tin e tristo deber di anuncia fayecimento inespera di:



drs. Joel Robert Rajnherc

Na bida Director di Instituto Medico San Nicolas (ImSan)

ImSan ta recorda Drs. Joel Rajnherc como un lider excepcional.

Durante su 14 aña di carera como Director, Drs. Joel Rajnherc a demostra su compromiso cu cuida di salud, especialmente cu ImSan y na bienestar di e comunidad Arubano.

E restonan mortal di Drs. Joel Rajnherc lo ta reposa diamars, 17 di maart 2026 for di:

- 10:00 am – 11:30 am na Instituto Medico San Nicolas
- 13:00 pm – 16:00 pm na Aurora Funeral Home na Cumana 76

Na luga di flor of krans un donacion pa Stichting Koningin Wilhemina Fonds lo ta altamente aprecia. Durante e ceremonia na ImSan lo tin servicio limita.

ImSan ta extende su mas profundo condolencia na su sra. Sandra Rajnherc -Ramirez (Sandi), su yiunan Cassandra Rajnherc (Sam), Joel Rajnherc (Riven) y demas famianan, ta desea nan hopi forza den e momentonan dificil aki.

Na mes momento ta extende un invitacion na tur stakeholders, coleganan, famia, amigonan y conocirnan pa asisti na e acto di despedida na ImSan pa asina rindi honor y homenahe na Drs. Joel Rajnherc.

Tambe tin disponibilidad di por pasa na ImSan pa asina firma e condolence register na e entrada principal.

Cu Drs. Joel Rajnherc sosega na paz.
Su legado lo biba pa semper den nos memoria.

redefining patient care

**NOW
IT'S TIME
GET THE
BEST DEALS
AT AMC UNICON!**

SHOP ON CREDIT & GET UP TO
**2 FREE
INSTALLMENTS**
PLUS FREE DELIVERY
FOR CREDIT CUSTOMERS
AT AMC UNICON!



SAVE AWG301

55"
SAMSUNG 4K UHD
SMART TV
UN55U8000FPXPA
**NOW
AWG999**
WAS AWG1299.99

ALSO AVAILABLE IN:
43" UN55U8000FPXPA
**NOW
AWG999**
WAS AWG1299.99



SAVE AWG701


65" TCL 4K MINI LED
GOOGLE SMART TV
65C755A
NOW AWG1299
WAS AWG1999.99



SAVE AWG101

LG
300W 2.1CH
SOUNDBAR
S40TDPANLLK

**NOW
AWG449**
WAS AWG549.99



SAVE AWG51
LG
XBOOM SIGNATURE
SOUND PORTABLE
BLUETOOTH
SPEAKER BOUNCE

**NOW
AWG349**
WAS AWG399.99



SAVE AWG101

JBL
PARTYBOX STAGE
320 PORTABLE WITH
PARTY LIGHTS
JBLPBSTAGE320AM

**NOW
AWG1099**
WAS AWG1199.99



569-2407
AMC EAGLE MEGASTORE

HORARIO: 9am - 6pm DIALUNA PA DIASABRA



OFFERS VALID WHILE STOCKS LAST.
TERMS & CONDITIONS APPLY!

TEAMARU a cuminsa prepara pa Weganan Centroamericano y del Caribe 2026

Directora Tecnica di COA presente na reunion di hefe di mision Santo Domingo 2026



ORANJESTAD (AAN): E siman ki ta duna inicio oficial di e caminda rumbo pa e Weganan mas grandi di aña 2026, e Weganan Centroamericano y di Caribe (CAC), "Santo Domingo 2026". E weganan aki ta conta cu participacion di mas cu 6000 atleta di 37 diferente pais, unda TEAMARU lo biaha cu e delegacion mas grandi di ful e Ciclo Olimpico. E ultimo edicion di e CAC cu tabata San Salvador 2023, a mira un gran evento pa Aruba, unda a logra un total di 16 medaya. E siman ki a tuma luga e reunion di hefe di mision, unda ta comparti tur informacion importante den conexion cu e Weganan. Pa Comité Olimpico Arubano (COA) a bay Sra. Monica Fajardo como Directora Tecnico y e figura principal cu ta ayuda e hefe di mision durante e Weganan. E Hefe di Mision pa e delegacion di Aruba lo ta Sr. Rodymar Geerman, cu lo lidera e grupo na luna di juli y augustus venidero na Santo Domingo, Republica Dominicana.

